

NDURI-UTŌÑ KE ABAÑA MME ANAWURI EKPE

Utom Mme Apostle 20:1-38

ŌYŌHŌ UKPEP-ÑKPŌ 347

Eke Mkparawa

IKŌ IBUOT: “Edieke owo ekededi ɔkwɔrɔde gospel ɔnɔ mbufo ɔkpuhɔre ye se mbufo ekebɔde, osuk ɔdɔdiɔk ɔnɔ owo oro” (Ñwed Mbon Galatia 1:9).

Ndimum Mbuɔtidem Ñkama

Paul ama asaña ekpere utit isañ ɔyɔhɔ ukwɔrɔ-ikɔ esie ita.

Ediwak owo ema ebɔ erinyaña oto ke ukwɔrɔ-ikɔ esie; edi ke kpukpru ebiet emi enye okodukde, ama odu mme owo emi ekeñwanade ye Eti-Mbuk emi enye ɔkɔkwɔrɔde.

Utom ukwɔrɔ-ikɔ Paul ikedighe mmem-mmem. Ɔbɔñ ama ebem iso etiñ ɔnɔ enye ke ini Enye okokotde Paul ke akpa ini ete ke ediwak ufen edu ke iso ɔnɔ Enye. Edi Paul ikayakke oro etre ukwɔrɔ-ikɔ esie. Ke kpukpru ukɔbɔ enye ekenyene ndiyɔ, onyuñ etiñ ke utit uwem esie ete, “mma nsɔñɔ mmum mbuɔtidem ñkama.”

Ama odu ediwak mkparawa mme ɔkwɔrɔ-ikɔ emi eketɔñɔde ye uko ɔkɔrɔ ye udɔñ ndikwɔrɔ ofuri Ikɔ Abasi; edi ke isua mmɔ ekade iso, mmɔ ema eduɔk eti udɔñ ndikwɔrɔ ofuri Ikɔ Abasi. Nnyin ikpɔkɔm Abasi didie ke ndinyene Paul nte uwut-ñkpɔ, emi owutde ete ke edi mmem-mmem ñkpɔ ndimum udɔñ ye nsɔñɔ-nda oro ñkama tutu osim utit uwem nnyin. Imɔkɔm Abasi ke eyo nnyin ñko ibaña mmɔ emi ekenamde akpanikɔ tutu mkpa.

Paul ama anam utom emi Abasi okokotde enye ete edinam, ikekereke mme mme owo ema enyime ndikpañ utɔñ nnɔ enye me inyimeke. Enye ete: “Koro mmeñkefeheke ndikwɔrɔ ofuri uduak Abasi nnɔ mbufo.”

Urua Kiet Ke Troas

Paul ye mme ufan esie ema etie ke Troas ke usen itiaba, ndien ke usen-Ɔbɔñ mmɔ ekesobo ye mme mbet ke obio oro ndikpono Abasi. Mme owo emi ema enyene ekpri ifet ndikop nto Paul, ke ntre enye ama enyene ediwak ñkpɔ nditiñ nnɔ mmɔ. Ukwɔrɔ ikɔ esie ama aka iso tutu osim ufɔt okoneyo. Ekpri akparawa kiet ama odu emi mikekemeke nditaba idap. Enye eketie ke ekpri usuñ-ofum (window); edi nte enye edede idap enye ɔwɔrɔ ke ekpri usuñ-ofum (window) ɔduɔ. Ekededi enyɔñ ita tutu osim isɔñ, enye akpa oto ke iduɔ oro. Ofuri otu owo ema edu ke akamba mkpa-idem. Paul, nte ededi enyene mbuɔtidem ete ke Abasi eyefiak ɔnɔ akparawa emi uwem. Enye anam ukem-ukem nte Elijah ye Elisha ekenamde ke ini mmɔ ekenamde owo ɔtɔñɔ ntak odu uwem: “enye ama ɔduɔ ofuk enye,” afat enye, onyuñ ɔbɔñ akam ke ofuri esit esie. Ndien enye etiñ suñ-suñ ɔnɔ mmɔ, “Ekunam ndutime: koro uwem odu enye ke idem.” Enye akanam enye eset ke mkpa oto ke enyiñ Jesus Christ, emi Paul okonyimede ndikut ndutuhɔ nnyuñ nnyime ewot enye ke ntak Esie.

Ke ofuri isañ utom Paul, ukot ukwɔrɔ-ikɔ esie akabaña Jesus Christ, edisana Eyen Abasi. Ndien oto ke akwa mbuɔtidem esie ke Jesus, enye ama ekeme ndinam mme utibe-ñkpɔ oto enyiñ Esie.

Editɔñ Inem-inem Ikɔ Iduhe

Paul ama etie ebighi ke Ephesus, enye okoyom ndinyene nneme ini kiet efen ye mme ada ibuot ke ufɔk Abasi oro. Enye ama ɔfiɔk ete ke imɔ iditɔñɔke ntak isobo ye mmɔ aba, enye ama okot mmɔ man ɔnɔ mmɔ akpatre item, nnyuñ nduri mmɔ utɔñ mbaña ñkpɔ-ndik eke odude ke iso.

Paul ama ɔkwɔrɔ ete ke owo enyene ndimana obufa. Enye ama oduri mmɔ utɔñ abaña kpukpru idiɔk-ñkpɔ, abaña ukpono ndem ye mmɔ eke eke domode ndika Heaven ke ndinam nti utom utu ke ndinin Jesus ke akpanikɔ. Akanam enye itiñke “inem-inem ñkpɔ” inɔ mme owo ndinam mmɔ ema enye, enyuñ enam enye ɔwɔrɔ etop ke otu mmɔ. Enye ama enyene mbiomo ke esit esie abaña ukpɔñ mmɔ.

Enye ama ofiok ete ke kpukpru mmọ eke ekepañde utọñ enọ enye eyeda ke iso Jesus usen kiet man ekpe ikpe mmọ. Edieke mmọ mibọhọke ke idiok-ńkpọ eyeduoño mmọ ke itie nsinsi ufen.

Ekpedi didie edieke Paul mikpetiñke inọ mmọ ite ke mmọ enyene ndibọ erinyaña ñwọrọ ñkpọñ idiok-ńkpọ? Mmọ ekpetak, ndien ekpedi ndudue esie. Edi Paul ama ekeme ndidọhọ ete “ñkefeheke ndisian mbufo se ededi eke odorode mbufo ñkpọ.” Enye ñko ama etiñ ete, “iyip owo baba kiet ikọbọke mi.”

Mbon Ukpeme

Nso uyuhọ ke enye ekenyene ke ndifiok ete ke imọ ima inam kpukpru se ikekemedede man mmọ ebọ erinyaña! Mmọ ikemeke ndida ke ikpe mme ndinyan enye nnuen-ubọk ubiom-ikpe ete “Akananam afo utiñke unọ mi.”

Ini kiet anditiñ ntiñ-nnim ikọ ama ewet ete edieke andikpeme editrede ndiduri mbon obio utọñ, ndien mmọ ebọ ufen, Abasi eyeyom iyip mmọ oto andikpeme obio oro. Paul ama oduri mbon Ephesus utọñ ete ke ñkpọ eyen utom idiok-ńkpọ edi mkpa, ndien ke ana nte mmọ ekabare esit enyuñ ebọ erinyaña man oto do mmọ eka ke Heaven; ke ntre enye ama ọbọhọ ke iyip mmọ.

Mme Ndiọi Unam

Mme owo ke ufọk Abasi ke Ephesus ema enim ukwọrọ-ikọ Paul ke akpanikọ enyuñ ebọ erinyaña, edi oro ikedighe utit eñwan mmọ ye Satan. Paul oduri mmọ utọñ ete ke imọ ima inyọñ, ke “idiok unam” eyeduk ke otu mmọ, “idinyuñ ituaha otu erọñ mbọm.”

Enye iketiñke ibaña mme unam edi mme nsunsu mme ọkwọrọ ikọ emi edikwọrọde ke otu mmọ ndibiat se Paul ama ọkọkwọrọ. Paul etiñ ete: “Edi ekpedi nnyin ke idem nnyin idi idikwọrọ okponyuñ edi angel edito ke heaven ọkwọrọ gospel ọnọ mbufo okpuhọre ye se nnyin ikwọrọde, osuk ọdọdiok ọnọ andikwọrọ oro” (Nwede Mbon Galatia 1:8). Enye ama ọdiọñ ete ke mme ọkwọrọ ikọ eyedi emi edidọhọde ete ke ufọn itimke idu owo ndimana obufa. Ndusuk eyetiñ ete ke owo ekeme ndibọ edifen ye edinam asana ini kiet. Ndusuk eyetiñ ete ke itim idighe akpan ñkpọ owo ndikeneñere ukwañ usuñ ye mmọ emi nnyin ikeduade. Kpukpru ñkpọ oro ye ediwak mmọ eken edidi nsu nsu ukpep-ńkpọ. Eyedọdiok ọnọ owo eke ọkwọrọde utọ ñkpọ emi.

Akada Iyip Esie Edep

Ufọk Abasi ekedi ọsọñ-urua ñkpọ ọnọ Paul. Enye ama ebeñe idem ndiyak uwem esie nnọ man mme owo ebọ erinyaña ukpọñ. Edi ufọk Abasi okosuk edi ọsọñ-urua ñkpọ ọnọ Ọbọñ, koro Enye akadade iyip Esie edep enye. Ekọm-urua efen ikoduhe emi okponde ekem ndikpe ke kpukpru mme idiok-ńkpọ nnyin. Jesus ekenyene ndiduok iyip Esie man ekpeke ekọm urua nnyin, oro anam nnyin idi ata ọsọñ-urua ñkpọ inọ Enye.

Ñkpọ-Ekọñ Satan

Idighe mme ọkwọrọ ikọ abiaña ikpọñ ediduk ke otu mmọ man edomo ndida mmọ ñwaha nduk ke mmem-mmem usuñ, edi ndusuk ke otu mmọ eyekañ mbuotidem. Mmọ eyekabare etañ idem, eyenyuñ eyom mme owo ema enyuñ ekpono mme imọ utu ke ndikpepono nnyuñ mma Jesus ye ndimek mme ọkwọrọ-ikọ Esie. Mmọ eyeda nnem inua enam mme owo enyime mmọ oto ke erinọ ubọk edem, enyuñ eduri mme owo esioño ke ufọk Abasi man etiene obufa ukpep-ńkpọ.

Emi ikotibeke ke ufọk Abasi Ephesus ikpọñ. Kiet ke otu ọsọñ-odudu ñkpọ ekọñ emi Satan adade ańwana ye anditiene-Christ edi iseri. Enye eyesaña ekpere owo emi adade ọfọn ke spirit onyuñ ọdọhọ enye suñsuñ ke utọñ nte enye ọfọnde onyuñ anamde ediwak utom. Ndusuk enye eyedian do ete ke mme owo imaha inyuñ inemke esit ke sededi eke owo oro anamde, onyuñ ọdọhọ enye ete oyom otu owo emi edimade nti utom esie.

Ndusuk owo edọhọ ete, “Daha mi ke usuñ, satan ... koro afo mmumaha ñkpọ eke edide eke Abasi, edi amade se ibańade owo.” Utọ mmọ oro ekọñ mbuotidem mmọ ke Abasi ye ke idem mme andida mmọ usuñ. Edi mmọ eken eyekpañ utọñ enyuñ esọp ndikere nte ke ekeme ndidi mmọ efen imaha inyuñ inemke esit ibaña mme imọ. Edieke mmọ mmikemeke ndiwọñọre ofuri esit ufọk Abasi nnọ idem mmọ, mmọ

eyeda ekpři otu eke emade mmọ enyuñ etoño obufa ufọk Abasi. Oro edi nte ata ediwak nsunsu ido ukpono Abasi eketoñode.

Jesus ama etin ete edieke edimenerede Enye ke enyoñ, Enye eyeduri kpukpru owo ọnọ Idemesie. Paul ekedikwọrọ Jesus kpukpru ini, inyuñ imenekere idem esie. Enye ama etin ete ke imọ ima inam utom Ọbọñ “ye kpukpru esit nsuhoridem, ye ediwak mmọñ eyet, ye mme idomo.”

Ini kiet otu owo ema etoño ndima Paul. Mmọ efen ke otu oro ema enyuñ ema ọkwọrọ ikọ efen, oro ekedi Apollos. Paul ama obup ete, “Apollos edi nso? Paul onyuñ edi nso? mmọ edi mme isuñutom, emi okotode mmọ mbufo enim” Jesus ke akpanikọ (1 Nwede Corinth 3:5). Enye ama obup ete: “Nte ekewot Paul ke kros enọ mbufo? Mme ekenim mbufo baptism esin ke enyiñ Paul” (1 Nwede Corinth 1:13). Utom nnyin edi ndikwọrọ Jesus, nnyuñ mfre mbaña owo. Okposuk edi nte nnyin ikponode inyuñ iteñede mmọ emi etiñde nkọ ebaña Jesus enọ nnyin; edi eyak nnyin iti ite Jesus edi itiat eke ebọpde mbuotidem nnyin edori ke esit. Okposuk edi kpukpru owo edikpude, Enye eyeda ke nsinsi .

Spirit Ndinyik

Ke ofuri isua ita Paul ọkọnọ mme owo ntọt abaña mme nkọ-ndik emi edude ke iso. Idaha emi ana nte enye ọkọnọ mmọ, enye onyuñ ọbọñ akam ebeñe ubọk ukpeme Abasi ndimum mmọ nkama.

Mme nkọ emi ekanade ebet Paul ke ini iso ikedighe mmem-mmem. Enye ama ọdọhọ ete: “Ndien ke emi sese spirit enyik mi ete nka Jerusalem; ndien mfiokke se idiworode mi do, ke mibohoke emi Edisana Spirit ọdọhode mi ke kpukpru obio ete nkọkọbi ye ukut ke ena ebet mi.” Nte nnyin imekeme ndika iso ye uko nte Paul edieke ikpodiñode ite ke se inade ke iso nnyin idighe nkọ efen ke ebede mfina? Edieke ikpodiñode ite ke kpukpru obio eke ikodukde ke owo ama odu do ndinam nnyin idiok? Nte ikposuk ika iso ndisuan etop erinyaña?

Nte nnyin imabat Eti-Mbuk ke akpan nkọ eke okponde ekem nte ikpayakde uwem nnyin inọ ke ntak esie? Mme anana ibat tosin mme owo ke ofuri emana ema enam ntre. Mmọ ikabatke uwem mmọ ke nkọ tutu osim mkpa, ndien ema ekeme nditiñ nte Paul: “Ema enim anyanya eti ido ebeñe mi, emi Ọbọñ, kpa Edinen Ebiere ikpe, edinode mi ke usen oro; idinyuñ inohọ mi ikpọñ, edi eyenyuñ ọnọ kpukpru mmọ emi emade erinyaña Esie” (2 Nwede Timothy 4:8).

MME MBUME

1. Nso ke Paul eketiñ abaña mbuotidem ke ini enye akasañade ekpere utit uwem esie.
2. Mme “item Abasi” ifañ ke Paul ọkọkwọrọ?
3. Nso ikotibe inọ akparawa oro okotode ekpři usuñ-ofum (window) ọduọ ke ini Paul ọkọkwọrọde ikọ tutu osim ufọt okoneyo?
4. Nso ke Paul eketiñ abaña oruk ukpep-nkọ efen emi ọkpuhorede ye se enye ọkọkwọrọde?
5. Nso idi ntak emi ufọk Abasi edide ọsọñ-urua nkọ ọnọ Jesus?
6. Mme anie owo ke Paul eketiñ abaña ke ini enye eketiñde ikọ abaña mme anawuri ekpe?
7. Siak nkọ-ekọñ andidiok kiet emi ọdiokde eti-eti?
8. Didie ke Satan odomo owo Abasi?
9. Didie ke Paul akada Eti-Mbuk nte ata akpan nkọ?